

III Uma Pido kuts kõiki kunnakuurõ laulma!

III võrokeeline laulu- ja rahvapido Uma Pido peetäs maaha 01. juunil 2013 Võro Kubijal. Naas pääle kunnakuurõ kirjapandminõ, miä kest kooni 31. detsembrini 2012.

Nii, nagu minevä pido, omma' ka sjoõ pido kõik kunnakoori' süämeest tervitedü!
Kunnakuurõ saati kokko panda' umist perre-, sugu-, sõprus- vai kogokunnõst. Ja vöi ka olla', et teid kõüt ütte hoobis määnegi muu „kund“ vai „kunn“ ☺, kiä taht ja mõist laulda'. Kõrraldaja' tahtva' märki', et nuutõ ülearu täpne mõistminõ olõ-õi päämine asi kunnakoorõl ja tuust ei massa' är heitüdü', ku kõik kunna' nuuti lukõ' ei mõista'. Pääasi om iks laulumõno esi ja viitsüminõ võrokeelitsit laule är' oppi. Küll om tarvilinõ, et pääkunn esi', kiä koori hafotamist ja kuunkäümist iist võtt ja kooril laulõ selges saia' avitas, noodist arvo saa ja umma kuuri hään möttõn ohjada' mõist.

Kunnakoori' saava' üten laulda' pääkontsõrdil ütiskuurõ jao seen ütehelüldise lauluga (ja ka mitmõhelüldise lauluga, ku kuur sjoõ vällä kand) ja paku' kimmäst tukõ rahvalaulõ iistütlemise ja ütenlaulmisõ man.

III Uma Pido ütes sümbolis om mi uma rahvalaul. Pido koorilaulõ seen laulõtas neli rahvalaulu, miä jääse' päämidselt kunnakuurõ kanda'. Viil oodõtas kõiki kunnakuurõ tukõ Vana Võromaa katsa kihlkunna rahvalaulõ iistvõtmisõl ja ütenhüürgämisel. Uma Pido om Vana Võromaa ütime pido ja nii omgi mõteld, et tunn aigu inne pito laulõtas egäst kihlkunnast peri rahvalaulõ. Olkõ sis Harglõ, Kanepi, Karula, Põlva, Rõugõ, Räpinä, Urvastõ vai Vahtsõliina kihlkunnast, egä kunnakuur piässi opma selges uma kihlkunna laulu ja näütuses viil naabri vai mõnõ muu, hindäle meeleperädse kihlkunna laulu. Kõik rahvalaulu' omma' trükidü III Uma Pido lauluvihun.

Kuimuudu kunnakuur hinnäst kihlkunna perrä kimmäs tege - kas pääkunna juuri perrä vai tuu perrä, kostkotsilt suurõmb jago kunnõ peri om, vai viil kuiki tõistmuudu - tuu jääs egä kunnakoori hindä otsusta' - pääasi, ku sjoõ man kisklõma ei mindä! ☺
Ku kunnakuur märk hinnäst ku „sõbra' ja sugulasõ“ vai „seto sõsara' ja vele“, sis olõs hää, ku opitas selges vähembäste üts katsa kihlkunna laulust ja viil vöi ka esitä' uma kihlkunnast peri laulu - tuud perämist saa kõrraldajidõga tämpsembide arota' ja tuuga om ka viil veidükene aigu).

Edimene kunnõ kokkosaaminõ tulõ jaanuarin ja tuu kottalõ saadõtas teedüs kunnakuurõ kontaktisikuilõ meili pääle. Inne tuud olõs hää umma silmä, kiilt ja miilt joba veidükene harota' III Uma Pido laulõga, misjaos võisi hanki' uma koorilõ lauluvihkõ. Lauluvihk mass 3 euri ja tuud saa kätte egäl tüüpääväl Võro Instituudist.

Kunnakuurõ kirjapandmisõ lehe lövväti mi kodolehe päält www.umapido.ee ("teedüs esinejile" alt) ja sjoõ saati saata' meili pääle ursula@wi.ee Kirjapandminõ käü kooni 31. detsembrini 2012.

Hää' kunna', tulkõ' III Uma Pido büüne pääle, tulkõ pidost ossa saama ja esi' pito tegemä, tulkõ' uma kihlkunna rahvalauluga umma kanti ja esihinnäst uhkõs laulma - III Uma Pido uut teid!